

«Даму» кәсіпкерлікті дамыту қоры» АҚ-ның жалғыз акционерінің шешімімен «БЕКІТІЛДІ»
«Бәйтерек» ұлттық басқарушы холдингі» АҚ Басқармасының бетпе-бет отырысының 19.06.2019 жылғы № 32/19 хаттамасына қосымша № 8

«Даму» кәсіпкерлікті дамыту қоры» акционерлік қоғамының Жарғысына енгізілетін өзгертулер мен толықтырулар

Жалғыз акционердің шешімімен бекітілген «Даму» кәсіпкерлікті дамыту қоры» акционерлік қоғамының жарғысына («Бәйтерек» ұлттық басқарушы холдингі» акционерлік қоғамының Басқармасының 2016 жылғы 13 қазандағы № 41/16 хаттама) келесідей өзгертулер мен толықтырулар енгізілсін:

1. 16-тармақ мазмұны келесідей 1-1) тармақшасымен толықтырылсын:
«1-1) Қазақстан Республикасының заңнамасына сәйкес жеке кәсіпкерлік субъектілері шығарған және қызметін Қазақстан Республикасының аумағында жүзеге асыратын қор биржасының тізіміне енгізілген облигациялар бойынша купондық сыйақы мөлшерлемесін субсидиялау;»;
2. 17-тармақтың б) тармақшасында «Қазақстан Республикасы Үкіметінің қаулысымен бекітілген бағдарламалар шеңберінде» сөздері алынып тасталсын;
3. 17-тармақ мазмұны келесідей 6-1) тармақшасымен толықтырылсын:
«6-1) Қазақстан Республикасының заңнамасына сәйкес жеке кәсіпкерлік субъектілері шығарған және қызметін Қазақстан Республикасының аумағында жүзеге асыратын қор биржасының тізіміне енгізілген облигациялар бойынша купондық сыйақы мөлшерлемесін субсидиялау;»;
4. 34-тармақтың 4) тармақшасында «Қоғамның тіркеушісінің» сөздері «орталық депозитарийдің» сөздерімен ауыстырылсын;
5. 36-тармақтың 2) тармақшасы келесі редакцияда баяндалсын:
«2) 10 (он) жұмыс күні ішінде орталық депозитарийге және (немесе) осы акционерге тиесілі акцияларды номиналды ұстаушыға Қоғамның акцияларды ұстаушыларының тізілімдері жүйесін жүргізуге қажетті мәліметтердің өзгеруі туралы хабарлау қажет;»;
6. 36-тармақтың 4) тармақшасының екінші бөлігінде «және Қоғамның тіркеушісі» сөздері «, орталық депозитарий және (немесе) номиналды ұстаушы» сөздерімен ауыстырылсын;
7. 41-тармақтың 1) тармақшасы келесі редакцияда баяндалсын:
«1) орналастырылатын акцияларды сатып алу;»;
8. 42-тармақта «Қоғамның тіркеушісімен» сөздері «орталық депозитариймен» сөздерімен ауыстырылсын;

9. 44-тармақтың екінші бөлігінде «және ол шығарған облигациялармен» сөздері «және (немесе) ол шығарған облигациялармен» сөздерімен ауыстырылсын;

10. 46-тармақтың бірінші бөлігінде «шешім қабылданған күннен бастап 10 (он) жұмыс күні ішінде оларды бұқаралық ақпарат құралдарында міндетті түрде жариялау арқылы» сөздері алынып тасталсын;

11. 46-тармақтың екінші бөлігі алынып тасталсын;

12. 9-баптың 46-тармағы мазмұны келесідей б) тармақшасымен толықтырылсын:

«б) төлем агентінің (төлем агенті болған жағдайда) атауы.»;

13. 48-тармақ келесідей редакциямен баяндалсын:

«48. Келесі жағдайларда Жалғыз акционерге жай акциялар бойынша дивидендтер есептеуге жол берілмейді:

1) Қоғамның меншікті капиталының мөлшері теріс мәнді болса немесе егер Қоғамның меншікті капиталының мөлшері оның акциялары бойынша дивидендтер есептеу нәтижесінде теріс мәнді болатын болса;

2) егер Қоғам Қазақстан Республикасының оңалту және банкроттық туралы заңнамасына сәйкес төлем жүргізуге қабілетсіздік немесе қауқарсыздық белгілеріне сай келсе немесе көрсетілген белгілер Қоғамда оның акциялары бойынша дивидендтер есептеу нәтижесінде пайда болса;

3) Қазақстан Республикасының заңнамасында көзделген жағдайларда.»;

14. 53-тармақта «Қоғамның тіркеушісімен» сөздері «орталық депозитариймен» сөздерімен ауыстырылсын;

15. 60-тармақтың 10) тармақшасы келесі редакцияда баяндалсын:

«10) орналастырылған акциялардың бір түрін акциялардың басқа түріне айырбастау, мұндай айырбастаудың шарттары, мерзімдері мен тәртібі туралы;»;

16. 60-тармақтың 18) тармақшасында «, соның ішінде бұқаралық ақпарат құралын анықтау» сөздері алынып тасталсын;

17. 60-тармағының 24) тармақшасы келесі редакцияда баяндалсын:

«24) нәтижесінде Қоғам активтерінің баланстық құнының жалпы мөлшерінің елу және одан көп пайызы сатып алынатын немесе иеліктен шығарылатын (сатып алынуы немесе иеліктен шығарылуы мүмкін) мәміле туралы шешімді қабылдау күніне құны оның активтері баланстық құнының жалпы мөлшерінің елу және одан көп пайызын құрайтын мүлікті нәтижесінде Қоғам сатып алатын немесе иеліктен шығаратын (сатып алуы немесе иеліктен шығаруы мүмкін) ірі мәмілені Қоғамның жасасуы туралы;»;

18. 65-тармақтың б) тармақшасы «Қазақстан Республикасының «Акционерлік қоғамдар туралы» Заңында көзделген жағдайларды қоспағанда, ...» сөздерімен толықтырылсын;

19. 65-тармақтың 12) тармақшасы келесі редакцияда баяндалсын:

«12) тиісті құжаттарды, соның ішінде Директорлар кеңесі анықтайтын тізім бойынша Қоғамның ішкі қызметін реттейтін құжаттарды (Қоғамның

қызметін ұйымдастыру мақсаттарында Жалғыз акционер мен Басқарма тарапынан қабылданатын құжаттарды қоспағанда), аукциондарды өткізу және Қоғамның бағалы қағаздарының жазбаларын, сондай-ақ оларға өзгертулер мен толықтырулар енгізу шарттары мен тәртібі белгіленген ішкі құжатты бекіту туралы;»;

20. 69-тармақтың төртінші абзацы келесі редакцияда баяндалсын:

«Қоғамның Директорлар кеңесі мүшесінің өкілеттіктерін оның бастамасы бойынша мерзімінен бұрын тоқтату Қоғамның Директорлар кеңесінің жазбаша хабарламасы негізінде жүзеге асырылады. Егер хабарламада Қоғамның Директорлар кеңесі мүшесінің өкілеттіктерін мерзімінен бұрын тоқтату күні көрсетілмесе, Қоғамның Директорлар кеңесінің мұндай мүшесінің өкілеттіктері Қоғамның Директорлар кеңесі көрсетілген хабарламаны алған сәттен бастап тоқтатылады.»;

21. 78-тармақтың оныншы абзацында «және Қоғамның мөрінің баспа-таңбасымен» сөздері алынып тасталсын;

22. 80-тармақ мазмұны келесідей төртінші абзацпен толықтырылсын:

«Ішкі аудит мәселелері жөніндегі комитет бірыңғай Қоғамның Директорлар кеңесінің мүшелерінен тұрады.»;

23. 82-тармақ мазмұны келесідей 10-1) тармақшасымен толықтырылсын:

«10-1) қаражатты қарызға алу (қарызға алу шарттарының өзгеруі), қарызға алу тәртібі мен шарттарын анықтау;»;

24. 90-тармақтың 7) тармақшасы келесі редакцияда баяндалсын:

«7) Қоғам Басқармасының мүшелері және Қоғамның өзге жұмыскерлері арасында міндеттерді, сондай-ақ өкілеттіктер мен жауапкершілік аясын бөледі;»;

25. 90-тармақтың 19) тармақшасының екінші абзацы келесі редакцияда баяндалсын:

«Қоғам Басқармасы Төрағасының шешімімен Қоғам Басқармасының мүшелеріне және Қоғамның өзге жұмыскерлеріне Қазақстан Республикасының заңнамасында белгіленген тәртіпте оның қандай да бір өкілеттіктері берілуі мүмкін.»;

26. 112-1 тармағы келесі редакцияда баяндалсын:

«112-1. Егер мәміле жасасу туралы шешім қабылдау кезінде мұндай мүліктің құны оның «Қазақстан Республикасындағы бағалау қызметі туралы» Қазақстан Республикасының Заңына сәйкес бағалаушы айқындаған нарықтық құнына анық мөлшерлес емес екені дәлелденетін болса, акционерлердің жалпы жиналысының шешімі негізінде қоғам немесе қоғамның дауыс беретін акцияларының бес және одан көп пайызын иеленетін (жиынтық түрінде иеленетін) акционер (акционерлер) өз атынан қоғам мүддесінде, жасалуына мүдделілік болған және нәтижесінде Қоғам құны өзінің активтерінің жалпы баланстық құны мөлшерінің он және одан көп пайызын құрайтын мүлікті сатып алған немесе иеліктен шығарған, лауазымды адамның және (немесе) оның үлестес тұлғаларының пайда (кіріс) алуына алып келген мәмілені

қоғамның жасасуы нәтижесінде қоғамда туындаған зиян үшін лауазымды адамды жауаптылыққа тарту туралы талап қойып сотқа жүгінуге құқылы.»;

27. 118-тармақтың бірінші бөлігінде «бұқаралық ақпарат құралында» сөздері «қаржылық есептілік депозитариінің интернет-ресурсында» сөздерімен ауыстырылсын;

28. 122-тармақ келесідей редакциямен баяндалсын:

«122. Қоғам Қазақстан Республикасының «Бағалы қағаздар нарығы туралы» Заңында және өкілетті органның нормативтік құқықтық актісінде белгіленген тәртіппен ақпаратты қаржылық есептілік депозитариінің интернет-ресурсында және қор биржасының интернет-ресурсында жариялауға міндетті.»;

29. 123-тармағы алынып тасталсын;


30. 124-тармақтың 9) тармақшасы «, Қазақстан Республикасының «Акционерлік қоғамдар туралы» Заңына, Қоғамның жарғысына және мемлекеттік емес эмиссиялық бағалы қағаздарды шығару аңдатпасына сәйкес акционерлердің құқықтарын қозғайтын» сөздерімен толықтырылсын;

31. 127-тармақ келесідей редакциямен баяндалсын:

«127. Қоғам өзінің үлестес тұлғаларының есебін осы тұлғалар немесе орталық депозитарий беретін мәліметтер негізінде (өкілетті орган белгілеген тәртіппен ірі акционер болып табылатын тұлғаларға қатысты ғана) жүргізеді.»;

32. 129-тармақтың 2-тармақшасында «бірлесіп» сөзі «жиынтық түрінде» сөздерімен ауыстырылсын.

**«Даму» кәсіпкерлікті дамыту қоры»
акционерлік қоғамының
Басқарма Төрайымы**



Г. Бурибаева